

اداره مخصوصه  
درسعادتنده باب عالی جاده سنده  
محل اداره :

# مستطابق

دین ، فلسفه ، ادبیات ، حقوق و علوم دین باحث هفته لقا رساله در

اضطرار :  
مسئله گزوه موافق آثار جدیده مع المعتبره  
قبول اولنور  
درج ابدلین آثار احاده اولغاز

مؤسسه لری : ابوالعلا زین العابدین - ح . اشرف ادیب

سنه لکی	التی آیانی	درسه دنده
۶۰	۲۰	ولایاتده
۸۰	۴۰	مملک اجنبیه ده
۸۰	۴۰	

تاریخ تاسیسی :  
۱۱ تموز ۳۲۴

درسعادتنده نسخه بی ۵۰ پاره در

قیرلهدن مقوا بورو ایله کوندریلیرسه سنوی  
۲۰ غروش فضله آلنیر

درسعادتنده پوسته ایله کوندریلیرسه ولایات بدلی اخذ اولنور.

۲ - جمله نك خاتمه اغراضی بیان حکمتته مبنی انزال بیورلمش یعنی اعدانك مقطوع العاقبه اولمغه عداوتنك دخی کسیله جکنی بیان ایتمک اوزره ایراد بیورلمش بر جهه معترضه اولسنك امکانیدر .

۳ - عاص ابن وائل صفت شنائت ايله ذکر ایدیلوب اسمنك ترك ایدلسی هم حکمی کافه ارباب عداوته تشمیل همده « مشتق اوزرینه حکم مأخذك علیتی افاده ایدر » قاعده سنجه مرقوم عاصك مقطوع العاقبه اولسی محضاً عداوتندن ایلری کلدیکنی افاده ایدیور .

۴ - جهه حرف تأکید ايله تصدیر ایدلمکله اعدانك تنوّهات حسودانه لرینك قطعاً صدقه مقارن اولمادینی اکلایشیلور . .

۵ - جمله نك طریق قصر ايله ایراد بیورلمسیدرکه بوندن زبده حقائق عالم افندمزه اظهار عداوت ایدنلرك ( ابر ) یعنی مقطوع العاقبه اولملری دیکر زمرة اباره رحمت او قوده جق مرتبه ایدوکی اکلایشیلور . ایشته صغر حمله بر ابردها بر جوق نکات و محاسن ايله مشحون اولان بوسوره قصیره بلیغه نك هم فوائد اعجاز کارانه مسروده بی حاوی اولمق همده اهنك ولطافتی وشیوه کبریا ناسی محانظه ایدلمک اوزره هانکی لسانه ترجمه سی قابل اوله بیلیر ؟ کرچه بر فکر صحیح اولدینی حالده بر لسانده ایده جکی تأثیری هر لسانده ایده بیلیر جهه حکمی سی طوغرودر ، انکار اولنه ماز . اما بر لسانده حاوی اولدینی نکاة خفیه سیله آهنك ولطافتی هر لسانده اجرا ایده جکی ادعای ده پک قولای تسلیم ایدیله مز . ذاتاً مبحث ، کلامك تأثیری جهتی دکل ، وجوه اعجاز کارانه سنك محافظه سی جهت مهمه سیدر .

قرآن مجیدك وجوه اعجازندن بری ده محکمت و متشابهاتی جامع اولسیدرکه بونده اولان حکم عجیبه دن بر قانچك اولسون تأیید مدعا ضمننده ذکر ایدلسی صددن خارج دکلدر صانیرم :

برنجیسی : قرآن کریمی نظر ددقیقه و فکر سلیم ایه مطالعه ایدنلر هم تشبیه هم توحیده دلالت ایدر آیتده تصادف ایده جکندن بالطبع محکم متشابه دن تفریق ایچون ادله معقولیه مراجعت ایده جکدرکه بوندن ادله عقلیه نك وطولایسیله عقلك وحدت وجود حق اثباتده ذی مدخل ایدوکی اکلایشیلیر . ( فاعتبروا یا اولی الابصار )

ایکنجیسی : قرآن کریمه نظر ایدنلره متشابهاتده کی معانی دقیقه نك کشفی ضمننده علوم عالیله صحابه مراجعت لزومنی حس ایتدیرمک حکمتی درکه بوده مجالس علمایه ترغیب دکل ، عادتا سوق دیمکدر . ( یا ایها الذین امنوا اتقوا الله وابتغوا الیه الوسیلة )

اوچنجیسی : طریق تقلیددن طریق نظره اعلا ایتمک حکمتیدر . زیرا عقل سلیم اربابی ایچون تعمیق نظر ایتمکسزین محکم و متشابهك برینه تقلد ممکن اوله مادینی کی بتون آیات قرآنیه محکم اولدینی تقدیرده وادی تقلیده قالمق دخی استبعاد ایدیله مز .

دردنجیسی : معرات حق خصوصنده عبادك ایتاب فکر ایتلرینك مطلوب الهی اولسی حکمتیدر . ( تفکر ساعة خیر من عبادة سبعین سنة )

قرآن کریمك محکم و متشابهه شمولنده کی حکم ربانیه نك کافه سنی تعداد ایتمک مقاله نك حجتی مساعد اولمادیندن بوقدرله اکتفا اولنور . العاقل یقیس مال یقل علی ما قبل والله یدی الی سواء السبیل ایدمی قرآنك معجزه عظمای نبویه ایدوکی ولوعربی اولسون بشقه بر قلبه افراغ ایدیله جکی تقدیرده اسرار اعجازینه خلال طاری اوله جنی بیلندیکی حالده هانکی بر معتقد آنی السنه سائریه تبدیلدن صکره عین قرآن اعتقاد ایدر ؟ و بودام اغفاله هانکی بر اعما طوتولور ؟

اکتوب بلدیه رئیس ابقی

## مد نظر فکر

### مادیونك شهبائیله آنلرك بطلانی

بوناظریه نك خلاصه سی شودر :

دکز ، بوتون انواع واجناس مختلفه سی داخل اولدینی حالده ، بوکائنات ارضیه نك اصلیدر . دکز اعصار قدیمه دن برنده بوتون کره زمینی ستر ایش ایدینی ایچون ایچنده یاشایان مخلوقات اوزمان کاملاً ارضه انتقال ایدن اوراده یاشامایه باشلامش . بونك ایچون بسیط بر حجره نباتیه دن اکل حیوانات اولان انسانه وارنجیه قدر ارضده کورولن مخلوقاتک کانه سنك اصلی دکزدر . یعنی بوتون مخلوقات و قیله بحری حیوانات ایش . استاد مایه دیورکه :

« ایستر ایکی ایاقلی ، ایستر قانادلی اولون ؛ ایستر زاحفه صنفندن بولسون ، یر یوزنده یاشایان نه قدر حیوانات وارسه دکزده عینی یاخود یقینی بولنور . بو مخلوقاتک عنصر مادن عنصر هوایه انتقالی یالکز ممکن اولمغه قالماز . بلکه بر جوق مثاللرله ثابتدر . بز بوراده دکزده وقارده یاشایان حیوانات ايله بیلانلردن ، قاپلومبغه لردن ، صو کلبکلرندن ، دکز کوپکلرندن ، دکز کوپکلرینك اجناس مختلفه سندن ، علی السویه هواده وصوله یاشایان حیواناتدن ، یاخود بعضاً قارده ، بعضاً دکزده تعیش ایدنلردن بحث ایده جک دکلز . بز آنجق هواده یاشایه بیلن حیواناتدن بحث ایدیله جکز .

معلومدرکه حیوانات بحریه ایکی قسمدر . برطاقی صویک ایچنده یوزدرک کندنن کوچك اولانلری صید ایدر . دیکر قسمی صویک دینده یورویهرک اورادن هیچ آیرماز ، یاخود نادراً آیریلور . بونلرك یوزمه یه هیچ قابلیتی یوقدر . او حالده جو هواده یوزمکده اولان طیورک سمک طیار نوعندن حصوله کلدیکنده ، یاخود اوچمایه وسط ارضدن یوکسامیه مقتدر اوله میان حیوانات بریه نك قعر بحرده یاشایان حیوانات بحریه دن تشعب ایتدیکنده کیم شبه ایده بیلیر ؟ »

سز اکر بوناظریه نك صحتته قانع اولمق ایسترده ( الله کوستره سین ) مسئله یی تعمیقه چالیشیرسه کز دیرلرکه :

حیوانات زاحفه و ماشیه کلنجه بونلرک دکزدن صورت انتقالی تصور پک قولایدر . چونکه بیلانلرک ، قاپلوبغه لرک علی السویه ایکی عنصردهده یاشادقلری هرکسجه معلومدر .

درت آیاقلی حیواناته کلنجه بز دکزده بونلرک کافسنک جسماً وترکیباً مشابهری وارددر، دیمکله اکتفا ایتیز، دیرزکه بونلردن هر ایکی عنصرده کمال سهولته یاشایه بیانلری وارددر .

دکز مایونلرینی ، صوکره بونلرله بری مایونلر آره سنده کی مشابهری کورمیورهمیسکز ؛ آرسلان ، آت ، اوکوز ، طوموز ، قورت ، دوه ، کدی ، کوپک ، کچی ، قویون کنی حیواناته کلنجه بونلرکده دکزده اشباه و نظاری وارددر . «

ایشته کتم عدمدن میدان وجوده کلن کائتاده جلوه نما شو ابداع حیرت فرمای ایضاح ایتک ، انواع متخالفه موجوده نك اصللرینی بیلدیرمک ایچون ملحدلرک فرضیات سردنده واصل اولدقلری غایت بودر . سبحان الله ! عقل ایچون یوقلغنی تصور قابل اوله میان خالق حکیمی انجق کندی ضعیف کوزلریله کوره مدیکی ایچون انکار ایدوبده صوکره خلقتی بو کبی هذیانلرله تأویله ، تعلیه قالدیشان آدم افراد بشردن عد اولونمایه لائق دکلدر .

شیمدی بز بو حریفله قارشی حقسنلرک ایتدک ، غلطات واقعه لرینی تشهیر خصوصسندده پک ایلری کیتدک ، کبی بر ظن وارد اولور دییه فسیولوجی علمی سرآمدان علماسنک بو نظریه علیهنده کی مطالعاتیه استمهاده جکز . اوزمان خلق آ کلایه جقدرکه مادیونک علم وفنده کی موقعلری اولیه بز م شرقیلردن بهضیلرینک ظن ایتدکاری قدر عالی دکلدر .

فسیولوجی علماسنک اک مشهوری بولان استاد کوییه دیورکه : علمای طبیعیوندن افکار مادیونه قائل اولان بعض ذوات ماییه نظرینک مروجی ، معینی اولمایه رضا کوستریورلر . بونلر برعضوک اهل ویا کثرت استعمالی اونک حجم وقوتی تنقیص ویا تزید ایتدیکنی کوردکلر ایچون عادات و مؤثرات خارجیده اشکال حیواناتی علی التدریج تغییر ایده ایده بوکون کور، بکده اولدینمز انواع مختلفه بی میدانه کتیره جک قدر بر قوت کوستریور ، وهمنه قاپلیدیلر . بو فکر ایسه مرکز حقیقته یوقاریده رد ایلدیکمز افکارک هپسندن ده اوزا قدر . بونلر اجسام مرکبه عضویه یومشاق بر معجون کتاسی کبی پارماقلر آره سنده ایسته نیلن شکله کیرر ، ظننده بولونیورلر . بوعلما غایت اوزون کیدن نظریه لرینی سرده باشلار باشلاماز بوتون عالمک مسخره سی ، هدف استهزاسی اولدیلر . زیرا بانگ قوراقدده یاشامق ایسته یهرک بوکا چالشمسیه اصداقک یاریله رق قاناده تحویل ایتدیکنی ، صوکره بر سرجه اولدیغنی ، یاخود درت آیاقلی بر حیوانک طار بر محلدن کچمه یه میل ایتمسيله بیلان حاله کلدیکنی آغزیه آلان بر آدمک بوکبی مطالعاتی علم تشریحک قاره جاهلی اولدیغنی کوسترمکدن باشقه برایشه یاراماز ! «

مابندی وار محمد فرید وجدی

مترجمی : محمد عاکف

شیمدی سزه لازم اولان بری اولسون ، بحری اولسون بوتون حیواناتک اشکالیه قابلیتلرینی ، تمایللرینی بیه لرک صوکره اونلری بر برلریه مقایسه ایتمکدن عبارتدر . مثلاً طیوردن باشلایه رق بوتون انواعنی تدقیق ایدر ، صوکره بونلرک نقوش والوانی آره سنده کی تخالفی هر برینک تمایلات طبیعیه سنی تتبع ایلرسه کز بونلردن هیچ برنوعه تصادف ایتمز سکزکه دکزده نظیری بولونماسون . اساتذه فندن بری دیورکه : « دکزده سرچه یه وارنجه یه قدر حیوانات برینه نك هر شکلنده بولور . کذلک دکزده نباتات ، ازهار ، اثمارده موجوددر . مثلاً اینجیر ، کل ، قرنفل ، اوزوم وسائر نك امثالی وارددر . «

اگر سز ایشی اعظام ایدرده بو ایکی طبیعتک بو ایکی محیطک تباینندن طولایی حیواناتک دکزدن قاره یه کچمسنی استبعاد ایده جک اولورسه کز اوزمان دیرلرکه :

آزینجق صبر ایت هم بیلمش اولکه بو انتقال علوم طبیعیه یه هیچ بر صورتله منافی دکلدر . کره ارضیه یی محیط اولان هوا چوق مقدارده اجزای مائییه حاویدر . ذاتاً صوده هوا دن باشقه بر شی دکلدر ؛ انجق اجزای مائییه سی حجماً دها بویوک ، رطوبت جهتیله دها فائق اولدیننی ایچون بز م هوا نامنی ویردی کمز سیال علویدن دها آغیردر . اولیه ایسه رطوبتله مشبوع هوا دیمک اولان صوده یاشایان حیواناتک رطوبتله غیر مشبوع اولان شو بیلدیکمز هوا ده یاشایه بیاه جکنی تصور ایتک پک قولای اولور .

برده بو انتقال خصوصسندده ضرورت مسئله سنک غایت بویوک تأییری وارددر . کذلک احتمالدرکه بو حیوانات برینه نك بر قسمی وقتیه بر کولک دیننده یاشایورمش . صوکره کولک صوینی یاواش یاواش قورومایه باشلامش . اوزمان ایچنده کی مخلوقات جو هوا ده یاشامایه مجبور اولمش . یاخود اوله بیلیرکه حیوانات مفترسه دن قاجوب قورتولمق ایچون بولندقلری کولدن جوارنده کی دیگر کوله صیچرامق ایسته مشلر ، لکن بر قامیشلغه ، یاخود سازلغه دوشمشلر . اورادن اسکی یرلرینه دونمک ایسته یهرک ینه صیچرامایه قالدیشمشلر . فقط بوکا مقتدر اوله مامشلر . شو قدر وارکه بو جهد وطلب سایه سنده خاصه طیرانه مالک اولمشلر . صوکره صویک فقدانندن طولایی قورویان سابعه لرلی چاتلامش ، یاریلمش . بونلر او سازلقده تغذیلری ایچون لازم کلن موادی بوله رق اوسایه ده اولومدن قورتولمشلر . لکن سابعه لرینی تحریک ایدن انابیب بر برندن آیرلمش ، اوزامش ، اوزرنده توی بیتمش ، یاخود دها آچیق بر تعبیر ایله سویله لم ، متلاصق اولان جدرانی باشقه بر حالته انقلاب ایتمش ، بدنلری اینجه وملون بر قیل اکتسا ایتمش ، بو قیل یاواش یاواش بویویه رک قاناد حاله کلش . قارنلرینک آلتده بونوب اونلرک دکزده یوزملرینه خدمت ایدن اوافق قانادلره کلنجه بونلرده ایاق حالته کلهرک سطح ارضده یوروملرینه خادم اولمش . الحاصل بدنلرینک جهات سائر سنده دهه بار از زیاده تغیرات و انقلابات حصوله کلهرک بوتون طیورده کوردیکمز شکل حاضر ظهور ایتمش .